



Uunga
Til:

Inatsisartunut Ilaasortaq
Nivi Olsen
Demokraatit

Sagsnr.2021-12685

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

§37-mut akissuteqaat nr. 086-2021

Asasara Nivi Olsen
Apeqquaternut qujanaq

Apeqquaternut akissutit ataani ataasiakkaarlugit tulleriiarput.

***1. Nunanit allamiunut tungasut tigussagutsigit aningaasatigit
allaffissornikkullu kingunissai ukununnga suussappat:***

a. Pisortanut

Akissut:

2016-mi Inatsisartunut agguanneqarpoq Nunanut allanut tunngasutigit Naalakkersuinikkut ingerlatsineq pillugu nassuiaat 2016, tassani erseqqissaassutigineqarpoq aningaasaqarnikkut allaffissornikkullu, Nunanut allanut tunngasut tiguenerani kingunerisassai.

b. Namminersorlutik inuussutissarsiuteqartunut?

Akissut:

Aalajangersimasumik inerniliisoqarnikuunngilaq qanoq avataanit suliarortunut qinnuteqarnermi aningaasartuuteqartoqassanersoq.

c. Innuttaasunut?

Akissut: Aningaasartuutit a-mut akissummi allaqqasut saniatigit innuttaasunut aningaasartuuteqassanngilaq.

***2. Nunanit allamiunut tunngasut tiguneqassappata Naalakkersuisut
ersarissunik pilersaaruteqarpat?***

Akissut:

Siusinnerusukkut danskit naalackersuisuilu nunanut allanut akisussaaffimmik tigusinissaq oqaloqatigiissutigineqarnikuuvoq. Taamaattorli sulii aalajangiinertaqanngilaq.

3. Naalackersuisut suut suliniutiginiarpaat suliffeqarfinnut pisariinnerusumik nunanit allanit sulisussarsiortarnermut, atorfiit nunaqavissunik inuttassaqartinneqartinnagit?

Akissut:

Naalackersuisut SIRI (Styrelsen for International Rekruttering og Integration) peqatigalugu akissuteqarnissamut utaqqisarneq malunnaateqarluartumik sivikillinikuuaat, ulluni 90-iniit ullunut 30-nut. Taassuma qaavatigut kommunip allattoqarfii qinnuteqartoqaraangat sukkasuumik sulingasuartarput. Immikkut uani pineqarput atorfiit piffissami inuttassarsiuinermit sulisussamik piukkunnartoqanngikkaangat.

4. Kalaallit Nunaannut nunanit allamiunik sulisoqarnissamik isumaqatigiissutip pilertortumik sulisunik tikisitsisinnaanermik inatsisiliuunneqarnissaannut Danmarkimi Udlændinge- og Integrationsministeriamut isumaqatiginninniutaasimasoq, sumut killippa?

Akissut:

Pilertortumik sulisunik tikisitsisinnaanermut tunngatillugu februaari 2021 danskit Naalackeruisuilu isumaqatigiissuteqartoqarpoq peqqinnissaqarfimmut atorfinitsiniarnermut tunngatillugu.

5. Naalackersuisut nalilersinnaavaa, pilertortumik sulisunik tikisitsisinnaanerup isumaqatigiissutinut allanut atuutsissinnaanera, soorlu peqqinnissaqarfimmut isumaqatigiissutaasutut?

Akissut:

Pilertortumik sulisunik tikisitsisarnerup ilusaa massakut suliarineqaruttulerpoq, ilusaalu nalilersuiffigineqarumaarpoq. Tamassumap kingorna naliliiffigineqarumaarpoq iliuuseq taanna suliaqarfinnut allanut atorneqarsinnaassanersoq.

6. Pilertortumik sulisunik tikisitsisinnaanermut isumaqatigiissut peqqinnissaqarfimmut qanoq sunniuteqarsimava?

Akissut:

Peqqinnissaqarfimmut pilertortumik sulisunik tikisitsisarneq aatsaat aallarnisaleruttoq, taamaattumik sulii kinguneri nalilersuiffiqarsinnaanngillat.

7. Suliffeqarnermut tunngasumik pilertortumik sulisunik tikisitsisinaanermik Danmarkimi Udlændinge- og Integrationsministeriaqarfimmut isumaqatigiissusiorneq ukununga aningaasatigut allaffissornikkullu qanoq kinguneqarsinnaava:

a. Pisortanut?

b. Namminersorlutik inuussutissarsiuteqartunut?

c. Innuttaasunut?

Akissut:

Pisortat ingerlataannut, namminersortunut innuttaasunullu naliginnaasumik pilertortumik sulisunik tikisitsisarnerup eqqunneqarnerani suliamik ingerlatsineq pisariinnerulersitsissavaq, tassumalu allaffissornikkut aningaasaqarnikkullu aningaasartuutikillisaaffigalugu.

8. Naalakkersuisut oqaluuserisamut soqutiginarsinnaasunit allanik paasisutissiisinaappat?

Akissut:

Naamik.

Inussiarnersumik Inuulluaqqusillunga

Med venlig hilsen


Mimi Karlsen

Inussiarnersumik Inuulluaqqusillunga

Med venlig hilsen